



Broj: 08-20-1653/20-1  
Lukavac, 21.02.2020.godine

U sklopu projekta „Smanjenje siromaštva kroz pčelarstvo u Tuzlanskom kantonu“ Općine Lukavac u 2020. godini, na osnovu Sporazuma zaključenog između Općine Lukavac i Humanitarne organizacije „Muslim Aid“ Sarajevo, broj: 02-11-524/20 od 15.01.2020.godine i na osnovu člana 5. Pravilnika o utvrđivanju uslova, kriterija i postupaka za ostvarivanje prava na dodjelu pčelinjih društava i opreme u projektu „Smanjenje siromaštva kroz pčelarstvo u Tuzlanskom kantonu“ kojim su osigurana donatorska sredstva od strane Humanitarne organizacije „MAID“ u iznosu od 40 %, Općine Lukavac u iznosu od 40 %, osigurana u Budžetu Općine Lukavac za 2020.godinu, kroz Programu podsticaj poljoprivrednoj proizvodnji u 2020.godini i vlastitog učešća korisnika u iznosu od 20 %, a u cilju nabavke i dodjele 60 pčelinjih društava sa pčelarskom opremom, na području Općine Lukavac, Načelnik općine raspisuje:

### **JAVNI POZIV za podnošenje zahtjeva za dodjelu pčelinjih društava sa pčelarskom opremom putem sufinansiranja**

Općina Lukavac u saradnji sa Humanitarnom organizacijom „Muslim Aid“ sa sjedištem u Sarajevu raspisuje Javni poziv za podnošenje zahtjeva za dodjelu 60 pčelinjih društava sa pčelarskom opremom. Projekat sufinansiraju Općina Lukavac u iznosu od 40%, Humanitarna organizacija „MuslimAid“ Sarajevo u iznosu od 40% i krajnji korisnik u iznosu od 20% od ukupne cijene pčelinjih društava i opreme. Svakom korisniku dodjeljuje se pet pčelinjih društava sa cjelokupnom dodatnom opremom za bavljenje pčelarstvom.

#### **I PRAVO UČEŠĆA**

Pravo na učešće u Projektu imaju prioritetne kategorije stanovništva - nezaposlene osobe ili osobe sa minimalnim primanjima sa područja općine Lukavac koje posjeduju zemljište i parcele za smještaj pčelinjaka

Pravo na dodjelu pčelinjih društava i opreme nemaju lica koja su dobila ovakvu ili sličnu donaciju iz oblasti poljoprivrede od Općine, nadležnih ministarstava, humanitarnih i drugih organizacija u posljednjih 5 godina. Pravo učešća nemaju lica koja u svome vlasništvu ili u vlasništvu članova domaćinstva imaju više od 10 košnica pčela. Pravo učešća nemaju članovi uže porodice zaposlenika Muslim Aid Sarajevo i Općine Lukavac.

#### **II USLOVI**

Podnosioc zahtjeva treba da ispunjava slijedeće opće i posebne uslove:

##### **1. OPĆI USLOVI:**

- Da je nezaposlena osoba ili osoba sa minimalnim primanjima,



- Da je upisan u Registar poljoprivrednih gazdinstava i Registar klijenata u nadležnoj Službi Općine Lukavac,
- Da posjeduje vlastito poljoprivredno zemljište na kojem se može stacionirati pčelinjak (utvrđuje komisija na terenu)
- Da ne posjeduje više od 10 društava u svome vlasništvu,
- Da sufinansira 20% od nabavne cijene pčelinjih društava i pčelarske opreme.

## 2. POSEBNI USLOVI:

- broj članova zajedničkog domaćinstva,
- broj nezaposlenih punoljetnih članova zajedničkog domaćinstva,
- broj izdržavanih članova zajedničkog domaćinstva,
- period proveden na Birou za zapošljavanje - podnosioca zahtjeva,
- samohrani roditelji, mladi bračni parovi do 35 godina,
- prirodni uslovi (smještaj pčelinjaka),
- socijalni aspekt (stanje na terenu, imovno stanje, opći dojam i sl.)

Kada kandidati pri bodovanju imaju isti broj bodova, prednost će imati kandidati koji imaju status mlade osobe, samohrani roditelji i osobe koje u svome domaćinstvu imaju dijete sa invaliditetom.

## III POTREBNA DOKUMENTACIJA

Podnosioci zahtjeva trebaju priložiti sljedeću dokumentaciju:

1. Aplikacijski formular za prijavu na Javni poziv,
2. Potvrdu o upisu u Registar poljoprivrednih gazdinstava i Registar klijenata od nadležne Službe Općine Lukavac,
3. Ovjereni kućna lista,
4. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje, a za lica koja se ne vode na evidenciji ovjerene kopija zdravstvene knjižice,
5. Potvrde iz škole/fakulteta za djecu/izdržavane članove domaćinstva (za djecu predškolskog uzrasta priložiti rodni list)
6. Uvjerenje ili drugi dokaz o visini prihoda za svakog zaposlenog člana domaćinstva sa kućne liste (za penzionere posljednji ček od penzije ili potvrda izdata od banke),
7. Vlasništvo ili posjed nad parcelom (kopija ZK izvadka ili Posjedovnog lista, kao i Ugovor o zakupu),
8. Ovjereni izjava da podnosilac zahtjeva posjeduje maksimalno 10 pčelinjih društava,
9. Ovjereni izjava da će korisnik podsticaja dobijena pčelinja društva i opremu zadržati najmanje 3 godine od dana potpisivanja Ugovora,
10. Ovjereni izjava da podnosilac zahtjeva ili član zajedničkog domaćinstva u posljednjih 5 godinanije dobio ovakvu ili sličnu donaciju iz oblasti poljoprivrede od Općine, nadležnih ministarstava, humanitarnih i drugih organizacija,
11. Ovjereni izjava da će sufinansirati sa 20% od nabavne cijene pčelinjih društava i opreme,
12. Dokaz da je mladi bračni par životne starosti do 35 godina (ovjereni kućna lista),
13. Dokaz da je samohrani roditelj (ovjereni kućna lista),
14. Dokaz da u svome domaćinstvu ima dijete sa invaliditetom (potrebna dokumentacija).

## IV PROCEDURA ODABIRA KORISNIKA

Komisiju za odabir krajnjih korisnika za dodjelu pčelinjih društava i opreme putem sufinansiranja u saradnji sa humanitarnom organizacijom čine: predstavnik organizacije „Muslim Aid“ Sarajevo i predstavnici Općine Lukavac.

Zadatak Komisije za dodjelu pčelinjih društava i opreme je:

- pregled prispjelih prijavi, evidentiranje kandidata koji ispunjavaju uslove iz Javnog poziva,

obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje, te istu dostavlja Općinskom načelniku.

Saglasnost na predloženu rang listu kandidata daje Općinski načelnik.

Rang lista odabranih kandidata se objavljuje na oglasnoj ploči Općine Lukavac, službenoj web stranici Općine Lukavac i sredstvima informisanja, RTV Lukavac.

**NAPOMENA:**

- Kandidati koji ostvare pravo na dodjelu pčelinjih društava i opreme obavezni su prisustvovati edukaciji u trajanju od četiri dana.

Obrasci zahtjeva za prijavu mogu se preuzeti u Šalter Sali Općine Lukavac. Popunjenu prijavu na Javni poziv zajedno sa potrebnom dokumentacijom predati u zatvorenoj koverti na protokol u Šalter Sali Općine Lukavac sa naznakom „Za javni poziv za dodjelu pčelinjih društava i opreme“, a rok za podnošenje zahtjeva je 15 dana, od dana objavljivanja javnog poziva na oglasnoj ploči Općine Lukavac, službenoj web stranici Općine Lukavac i sredstvima informisanja, RTV Lukavac.

Sve dodatne informacije mogu se dobiti u Službi za privredu, lokalni razvoj i inspeksijske poslove Općine Lukavac, kancelarija broj 73, svakim radnim danom od 08:00-15:30 sati.

Nepotpuna, neuredna, netačna i neblagovremena dokumentacija neće se uzimati u razmatranje.

**Javni poziv ostaje otvoren od 27.02.2020. godine zaključno sa 16.03.2020. godine do 15<sup>30</sup> sati.**

**OPĆINSKI NAČELNIK**

Dr. sci. Edin Delić